

AUGUSTINI

SANCTI AURELI

OPERUM

LIBR. III.

EPISTOLÆ

LIBR. III.

CELTAVI

S. AUR. AUGUSTINI

HIPPONENSIS EPISCOPI

EPISTOLE.

CLASSIS III.

EPISTOLA CXXXIX¹.

Domino merito insigni multumque charissimo ac desiderantissimo filio MARCELLINO AUGUSTINUS in Douino satem.

Ut *Gesta quæ adversus Donatistas confecta sunt* publicentur, utque rei castigentur mitius et *citra mortis pœnam*.

I. *GESTA quæ promisit præstantia tua, vehementer expecto, et in Ecclesia Hipponeensi iamjamque cupio recitari, ac, si fieri potuerit, etiam per omnes Ecclesias in diocesi constitutas; ut audiant homines, pleneque agnoscant confessores iniquitatis, noui Dei timore extorquenti poenitentiam, sed judicaria diligentia crudelissimorum spectorum aperiente duritiam, sive illorum qui de homicidio et de excæcato ac debilitato presbyteri corpore con-*

¹ Alias c. viii. quæ autem 139 erat, nonne 259. — Scripta an. 412 circa mens. Maium.

fessi; sive illorum qui se illa scire potuisse, quamvis sibi dicerent displicere, negare non ausi sunt, refugientes catholicam pacem, velut ne criminibus polluantur alienis, et in illo schismatis sacrilegio inter sceleratorum tam immanium tantam multitudinem perdurantes; sive etiam illorum qui se inde non recessuros etiam demonstrata sibi catholica veritate et Donatistarum perversitate dixerunt. Non est leve quod Deus agi voluit per operam tuam. Utinam tales eorum causas crebras sic audias, et facinora eorum atque insana pertinacia sic saepe prodatur, eademque publicata Gesta in omnium notitiam perferantur. Quod autem scripsit eximetas tua dubitare te, utrum in Theoprepia debeas eadem Gesta jubere proponi, fiat si potest illuc frequens confluere multitudo; alioquin alias locus celebrior providendus est: non tamen ullo modo prætermittendum.

II. Poena sane illorum, quamvis de tantis sceleribus confessorum, rogo te ut præter supplicium mortis sit, et propter conscientiam nostram, et propter catholicam mansuetudinem commendandam. Ipse enim fructus ad nos pervenit confessionis illorum, quia invenit Ecclesia catholica ubi suam erga atrocissimos inimicos servet atque exhibeat lenitatem. In tanta quippe crudelitate quæcumque præter sanguinem vindicta processerit, magna lenitas apparebit. Quod etsi modo quibusdam nostris illa atrocitate commotis videtur indignum, et quasi dissolutionis et negligentiae simile; transactis tamen motibus animorum, qui recentioribus factis solent turbulentius excitari, egregie luculenta bonitas apparebit, et ob hoc magis eadem Gesta legere atque ostendere delectabit, Domine merito insignis multumque charissime ac desiderantissime fili. Ibi est sanctus frater et coëpiscopus meus Bonifacius, et per diaconum Peregrinum, qui cum illo perrexit, com-

206800

monitorium direxi: quod sic habe tanquam praesentiam meam. Et quod vobis in commune pro Ecclesiæ utilitate placuerit, hoc adjuvante Domino fiat, qui potens est misericorditer opitulari in tantis malis. Modo Macrobius episcopus eorum, stipatus cuneis perditorum utriusque sexus, hac atque illac circumit, aperuitque sibi basilicas, quas possessorum quantuluscumque timor clausera. Præsente autem procuratore viri clarissimi Celeris Spondeo, quem tuæ dilectioni commendavi multumque commendo, utcumque eorum frangebatur audacia: nunc vero posteaquam Carthaginem profectus est, etiam in fundis ipsius basilicas aperuit, populos congregat. Cum ipso etiam est ille Donatus diaconus rebaptizatus, cum fuerit colonus Ecclesiæ, qui versatus est in illa cæde præcipuus. Qui tales non cum eo sunt, quando et ille cum ipso est? Si Proconsul vel simul ambo in illos estis sententiam prolati, et forte ille persistit velle gladio vindicare, quamquam sit Christianus, et quantum advertere potuimus, non sit ad hæc cruciamenta proclivis, tamen si necesse fuerit etiam Gestis jubete allegari epistolas meas, quas de hac re singulas vobis mittendas putavi. Soleo enim audire in potestate esse judicis mollire sententiam, et mitius vindicare quam jubeant leges. Si autem nec litteris meis ad hoc consenserit, hoc saltem præstet ut in custodiam recipiantur, atque hoc de clementia Imperatorum impetrare curabimus, ne passiones servorum Dei, quæ debent esse in Ecclesia gloriosæ, inimicorum sanguine dehonestentur. Scio enim in causa clericorum Anaunensium (1), qui occisi a gentilibus nunc martyres honorantur, Imperatorem rogatum facile concessisse, ne illi qui eos occiderant et capti jam tenebantur, poena simili punirentur.

III. Libros de baptismo parvolorum, cum jam codicem ipsum præstantiæ tuæ misissem, cur abs te rursus

acceperim, oblitus sum : nisi forte cum inspicerem, mendosos eos reperi, et emendare volui, quod mirabiliter impeditus, adhuc usque non feci. Epistolam quoque ad te scribendam et his adjungendam, quam cum ibi essem jam dictare coeporam, paulo addito sic esse imperfectam scias. Si autem rationem omnium dierum et lucubrationum aliis necessitatibus impensarum tibi possem reddere, graviter contristatus mirareris, quanta me distendant, quae differri omnino non possunt, nec agere illa permittant, in quae me petendo, et admonendo urges volentem, et ineffabiliter (quia non possum) dolentem. Cum enim ab eorum hominum necessitatibus aliquantulum vaco, qui me sic angariant, ut eos nullo modo liceat evitare, nec contempnere oporteat; non desunt quae dictanda præpono, sic in articulis temporum constituta, ut dilationem non ferant. Sicut mihi fuit brevatio Gestorum collationis¹ nostræ satis operosa, cum viderem neminem se velle tanto aggeri litterarum legendu committere : sicut mihi fuit etiam epistola ad ipsos laicos Donatistas de hac eadem collatione nostra, quam modo aliquot lucubrationibus terminavi. Sicut epistolæ duæ non breves, una ad dilectionem tuam, altera ad virum illustrem Volusianum, quas vos accepisse jam credo : sicut nunc in manibus habeo librum ad Honoratum nostrum de quæstionibus quibusdam quinque, quas mihi proposuit, et per litteras intimavit, cui non continuo respondere vides quam minime oporteat. Charitas enim quæ tanquam nutrix fovet filios suos, non ordine amandi, sed ordine subveniendi, infirmiores fortioribus anteponit, quos tales vult esse, quales jam illi sunt, quos non contempndo, sed de his confidendo interim præterit. Tales ergo mihi necessitates dictandi aliquid, quod me ab eis dictationibus impedit.

¹ Carthaginensis.

quibus magis inardesco, deesse non possunt, cum paululum spatii vix datur inter acervos occupationum, quibus nos alienæ vel cupiditates vel necessitates angariatos trahunt. Et quid faciam prorsus nescio.

IV. Audisti unde mecum Dominum depreceris : sed etiam quod tam instanter et tam crebro me admones, nolo cesses, non nihil agens. Commendo etiam ego excellentiæ tuæ Ecclesiam in Numidia constitutam, propter cuius necessitates sanctus frater et coëpiscopus meus Delphinius a fratribus et coëpiscopis meis ibi collaborantibus et compericlitantibus missus est. Nec de hac re plura scribo, cum ipsum præsentem sis auditurus. Cætera in Communioriis invenies, quæ ad presbyterum misi, sive modo, sive per diaconum Peregrinum, ne mihi ea totius iterare necesse sit. Semper in Christo cor tuum vigeat, Domine merito insignis multumque charissime ac desiderantissime fili. Filium nostrum Russinum Cirtensem Principalem commendabo eximietai tuæ.

DE SEQUENTE EPISTOLA

LIB. II. RETRACT. CAP. XXXVI.

Eo ipso tempore, quo contra Donatistas vehementer exercebamur, et contra Pelagianos⁽²⁾ exerceri jam coepramus, amicus quidam mihi misit quinque a Carthagine quæstiones, et rogavit ut eas illi scribendo exponerem; quæ sunt, Quid sibi velit vox illa Domini : « Deus meus, » Deus meus, ut quid me dereliquisti¹? » Et quid sit quod ait Apostolus : « Ut in charitate radicati et fundati, præ- » valeatis comprehendere cum omnibus sanctis, quæ sit » latitudo et longitudo et altitudo et profundum². » Et

¹ Psal. xxi, 2, et Matth. xxvii, 46. — ² Ephes. iii, 17.

quæ sint quinque virgines stultæ, quæve sapientes¹. Et quæ sint tenebræ exteriōres². Et quomodo intelligendum sit: « Verbum caro factum est³. » Ego autem intuens supradictam hæresim novam inimicam gratiæ Dei, sextam mihi proposui quæstionem de *Gratia Testamenti Novi*. Dè qua disputans, interposita expositione Psalmi vigesimi primi, in cuius capite scriptum est quod Dominus exclamavit in cruce, quod ille amicus imprimis mihi propo-
suit exponendum: omnia illa quinque dissolvi, non hoc ordine quo erant proposita sed sicut mihi disserenti *de gratia Novi Testamenti*; tanquam suis locis congruerter, oecurrere potuerunt. Hic liber sic incipit: *Quinque mihi proposuisti tractandas quæstiones.*

DE GRATIA NOVI TESTAMENTI
LIBER
seu

EPISTOLA CXL⁴.

Augustinus Honorato respondens ad illius quinque quæstiones; præter quas sextam sibi ipse proponit, de gratia Novi Testamenti, adversus Pelagianos tractandam; et Psalmum vicesimum primum ad eam rem totum interpretatur.

I. **QUINQUE** mihi proposuisti pertractandas quæstio-
nes atque solvendas, dilectissime mi frater Honorate⁽³⁾,
hinc inde raptas, sicut te vel legentem movere, vel cogi-
tanti tibi in mentem venire potuerunt, et in conspectum

¹ Matth. xxv, 2. — ² Id. xxii, 13. — ³ Joan. i, 14. — ⁴ Alias GAX. quæ autem 140 erat, nunc 260. — Scripta statim post superiorē.

meum fusas quodam modo. Quarum solutionem si velim disserendo ordinare, non ut carpītim, sicut propositæ sunt, de singulis disseram, sed uno quodam tenore sermonis eas inter se connectam atque contexam, difficile opus vide-
tur: et tamen puto facilius eas solvi, si hoc fecero. Invicem
quippe adjuvabunt, si altera pendebit ex altera, donec omnes veniant in seriem disputationis non singillatim se-
paratis locis, quasi unaquæque in sua privata intentione
habitet, sed unum aliquid intuentes, et unum collaboran-
tes sociali ratione, et individua veritate.

II. Voluisti ergo et scripto, commonuisti exponi atque aperiri tibi: quid sibi velit vox illa Domini, « Deus meus, » Deus meus, ut quid me dereliquisti⁽⁴⁾? Et quid sit quod Apostolus ait, « Ut in charitate radicati et fundati, præva-
leatis comprehendere cum omnibus sanctis, quæ sit lati-
tudo, longitudo, altitudo et profundum⁽⁵⁾. » Et quæ sint virgines quinque stultæ, quæve sapientes⁽⁶⁾. Et quæ sint tenebræ exteriōres⁽⁷⁾. Et quomodo intelligendum sit: « Ver-
bum caro factum est⁽⁸⁾. » Hæ sunt certe quinque tam breviter a me commenroratæ, quam abs te propositæ quæstiones. Proinde si placet, addamus et sextam, et illud potissimum requiramus. *Quæ sit gratia Novi Testa-
menti.* Hanc omnes illæ intueantur, et in hanc, ut op-
portune quæque potuerit, opus suum conferat nobis, non eo scilicet ordine, quo eas et tu proposuisti, et ego recolui,
sed unaquæque cum fuerit necessaria, velut vocata res-
pondeat, et officium sui operis impleat. Ergo ita nascatur exordium.

III. Est quædam vita hominis carnalibus sensibus im-
plicata, gaudiis carnalibus dedita, carnalem fugitans offen-
sionem, voluptatemque consectetur. Hujus vitæ felicitas

¹ Psal. xxi, 2. — ² Ephes. iiiii, 17. — ³ Matth. xxv, 2. — ⁴ Id. xxii, 13.
— ⁵ Joan. i, 14.

temporalis est : ab hac vita incipere necessitatis est, in ea persistere voluntatis. In hac quippe ex utero matris infans funditur, hujus offensest quantum potest refugit, hujus appetit voluptates, nihil amplius valet. Sed posteaquam venerit in ætatem, qua in eo rationis usus evigilet, poterit adjuta divinitus voluntate eligere alteram vitam, cujus in mente gaudium est, cujus interna atque æterna felicitas. Inest quippe homini anima rationalis, sed interest ejusdem rationis usu quoniam potius voluntatem convertat, utrum ad bona exterioris et iuferioris, an ad bona interioris superiorisque naturæ; id est utrum ut fruatur corpore et tempore, an ut fruatur divinitate atque æternitate? In quadam quippe medietate posita est, infra se habens corporalem creaturam, supræse autem sui et corporis Creatorem.

IV. Potest igitur anima rationalis etiam temporali et corporali felicitate bene uti, si non se dederit creaturæ Creatore neglecto, sed eam potius felicitatem fecerit servire Creatori, qui et ipsam suæ bonitatis abundantissima largitate donavit. Sicut enim bona sunt omnia quæ crevit Deus, ab ipsa rationali creatura usque ad infimum corpus: ita bene agit in his anima rationalis, si ordinem servet, et distinguendo, eligendo, pendendo subdat minora majoribus, corporalia spiritualibus, inferiora superioribus, temporalia sempiternis, ne superiorum neglectu et appetitu inferiorum (quoniam hinc fit ipsa deterior) et se et corpus suum mittat in pejus, sed potius ordinata charitate se et corpus suum convertat in melius. Cum enim sint omnes subsantiæ naturaliter bonæ, ordo in eis laudatus honoratur, perversitas culpata damnatur. Nec efficit anima perverse utens creaturis, ut ordinacionem effugiat Creatoris; quoniam si illa male utitur bonis, ille bene utitur etiam malis: ac per hoc illa perverse bonis utendo fit mala, ille ordinate etiam malis utendo per-

manet bonus. Qui enim injuste se ordinat in peccatis, juste ordinatur in peenis.

V. Volens itaque Deus ostendere etiam terrenam temporalemque felicitatem suum donum esse, nec aliunde nisi ab ipso sperari oportere, prioribus sæculi temporibus dispensandum judicavit Testamentum Vetus, quod pertineret ad hominem veterem, a quo ista vita necesse est incipiat. Sed illæ felicitates patrum, Dei beneficiorum concessæ prædicantur, quamvis ad istam vitam transitoriæ pertinentes. Illa quippe terrena munera in manifesto promittebant et tribuebantur: in occulto autem illis omnibus rebus Novum Testamentum figurate prænuntiabantur, et capiebatur intelligentia paucorum, quos eadem gratia propheticæ munere dignos fecerat. Dispensabant ergo illi sancti pro congruentia temporis Testamentum Vetus, pertinebant vero ad Testamentum Novum. Nam et quando temporalem felicitatem agebant, æternam veram et præferendam intelligebant, et istam ministrabant in mysterio, ut illam consequerentur in præmio. Et si quando patiebantur adversa, ad hoc patiebantur, ut evidentissimo divino adjutorio liberati, glorificarent Deum omnium bonorum largitorem, non solum sempiternorum, quæ pie sperabant, verum etiam temporalium, quæ prophætice gubernabant.

VI. Cum autem venit plenitudo temporis, ut gratia quæ occultabatur in Veteri Testamento, jam revelaretur in Novo, misit Deus Filium suum, factum ex muliere⁴, quo nomine proprietate hebraicæ linguae omnis fœmina nuncupatur, siye viro intacta, siye jam mixta. Quem autem Filium miserit, sierique ex muliere voluerit, quantus ille Deus sit, qui hanc humilitatem pro salute fidelium suscipere dignatus fuerit, ut agnoscas, nunc attende. Evan-

⁴ Galat. iv. 4. — 8. 8. 1. usol. 2. — 8. 9. usol. 2. — 8. 1. usol. 1.

UNIVERSITY OF MARYLAND
BALTIMORE COUNTY LIBRARIES

gelium. « In principio erat Verbum, et Verbum erat » apud Deum, et Deus erat Verbum : hoc erat in principio apud Deum. Omnia per ipsum facta sunt, et sine ipso factum est nihil. Quod factum est in ipso vita erat, et vita erat lux hominum, et lux in tenebris lucet, et tenebræ eam non comprehendenterunt¹. » Hic ergo Deus Verbum Dei, per quod facta sunt omnia, Filius Dei est, incommutabiliter manens, ubique præsens, nullo clausus loco, nec partiliter per cuncta diffusus, tanquam minorem partem habeat in minori loco, et in majori majorem, sed ubique totus, atque ita non absens etiam mentibus impiorum, quamvis eum non videant, sicut nec ista lux videtur oculis præsentata cæcorum. Lucet ergo et in tenebris talibus, quales Apostolus significat, ubi dicit: « Fuitis aliquando tenebræ, nunc autem lux in Domino²: » sed eam tales tenebræ comprehendenterunt.

VII. Suscepit itaque hominem, quem videre homines poterant, ut sanati per fidem postea viderent quod tunc videre non poterant. Sed ne homo Christus eo ipso, quo visibiliter apparebat, non crederetur et Deus, tantumque illi tribueretur, quantum homini excellentissimæ gratiæ atque sapientiæ; ideo « Fuit homo missus a Deo, » cui nomen erat Joannes. Hic venit in testimonium, ut testimonium perhiberet de lumine, ut omnes crederent per illum. Non erat ille lumen, sed ut testimonium perhiberet de lumine³. Tantus enim homo debuit perhibere testimonium de illo, qui non tantum homo, verum etiam Deus erat, ut de illo diceretur, quod in natis mulierum nemo exurgeret major Joanne Baptista⁴: sic enim ille cui majori Joannes testimonium perhibebat, intelligeretur hoc esse major, quo non tantum homo, sed

¹ Joan. i, 1-3. — ² Ephes. v, 8. — ³ Joan. i, 6-8. — ⁴ Matth. xi, 11.

etiam Deus erat. Lumen ergo et Joannes, sed tale lumen, quali testimonium perhibet ipse Dominus, dicens: « Ille erat lucerna ardens et lucens¹: » quod et Discipulis suis dixit: « Vos estis lumen mundi²: » atque ut ostenderet quale lumen, secutus adjunxit, « Nemo accendit lucernam, et ponit eam sub modio, sed super candellabrum, ut luceat omnibus qui in domo sunt: sic luceat lumen vestrum coram hominibus³. » Iste similitudines datae sunt, ut quantum possumus intelligamus; vel si hoc nondum possumus, sine ulla dubitatione credamus, animam rationalem non esse naturam Dei; illa quippe incommutabilis est, sed tamen eam posse participando illuminari; lucernæ quippe accendi indigent, et extingui possunt. Ideo quod dicitur de Joanne, « Non erat ille lumen, » ad illud respicit lumen, quod non participando illuminatur, sed ejus participatione illuminantur quæ ab illo illuminantur.

VIII. Denique sequitur, « Erat lumen verum » et tanquam quæreremus, quomodo discerneretur lumen verum a lumine illuminato, id est Christus a Joanne, « Erat, » inquit, lumen verum, quod illuminat omnem hominem venientem in hunc mundum⁴. Si omnem hominem, ergo et Joannem. Atque ut magis ostendat hujus divinitatem longe præstantiore distantia, « In hoc mundo, » inquit, erat, et mundus per eum factus est, et mundus eum non cognovit. » Non mundus, qui per eum factus est, eum non cognovit: neque enim habet vim cognoscendi eum, nisi rationalis creatura; quamvis etiam mundus iste visibilis per eum factus sit, hoc est cœlum et terra: sed mundum non cognoscentem increpando, significavit infideles constitutos in mundo.

¹ Joan. v, 35. — ² Math. v, 14. — ³ Ibid. i, 5. — ⁴ Joan. i, 9.

IX. Deinde adjungit, « In sua propria venit, et sui eum non receperunt¹ : » sive quia et ipsi infideles in quantum homines sunt, ejus sunt per quem creati sunt : sive suos proprie Judæos intelligi voluit, ex quibus naturam carnis assumpsit, nec tamen omnes cum non receperunt. Sequitur enim et dicit : « Quotquot autem receperunt eum, dedit eis potestatem filios Dei fieri credentibus in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt². » Hæc est gratia Novi Testamenti, quod in Vетere latuit, nec tamen figuris obumbrantibus prophetari prænuntiarique cessavit, ut intelligat anima Deum suum, et gratia ejus renascatur illi. Hæc quippe nativitas spiritalis est, ideo non ex sanguinibus, non ex voluntate viri, neque ex voluntate carnis, sed ex Deo.

X. Hæc etiam adoptio vocatur. Eramus enim aliquid antequam essemus filii Dei, et accepimus beneficium, ut fieremus quod non eramus : sicut qui adoptatur, antequam adoptaretur, nondum erat filius ejus a quo adoptatur, jam tamen erat qui adoptaretur. Et ab hac generatione gratiæ discernitur ille Filius, qui cum esset Filius Dei, venit ut fieret filius hominis, donaretque nobis, qui eramus filii hominum, Filios Dei fieri. Factus est quippe ille quod non erat, sed tamen aliquid aliud erat, et hoc ipsum aliquid Verbum Dei erat, per quod facta sunt omnia, et lumen verum quod illuminat omnem hominem venientem in hunc mundum, et Deus apud Deum. Nos quoque per ejus gratiam facti sumus quod non eramus, id est Filii Dei : sed tamen aliquid eramus, et hoc ipsum aliquid multo inferius, hoc est filii hominum. Descendit ergo ille ut nos ascenderemus, et manens

¹ Joan. i, 11. — ² Ibid. 12.

in natura sua factus est particeps naturæ nostræ, ut nos manentes in natura nostra efficieremur participes naturæ ipsius. Non tamen sic : nam illum naturæ nostræ participatio non fecit deteriorem ; nos autem facit naturæ illius participatio meliores.

XI. « Misit itaque Deus Filium suum factum ex muliere, factum sub lege. » Nam Legis sacramenta percepit, « Ut eos qui sub Lege erant, redimeret³, » id est, quos Lex reos tenebat occidente littera, dum præceptum non impleretur, antequam vivificaret spiritus : quia charitas Dei, quæ præceptum implet, diffunditur in cordibus nostris per Spiritum sanctum, qui datus est nobis². Proinde cum dixisset : « Ut eos qui sub Lege erant redimeret ; » continuo subjunxit, « Ut adoptionem filiorum recipemus³; » ut videlicet hujus gratiam beneficij discerneret ab illa Filii natura, qui missus est Filius, non per adoptionem factus, sed semper genitus Filius, ut participata natura filiorum hominum ad participandam etiam suam naturam adoptaret filios hominum. Quapropter etiam cum dixisset : « Dedit eis potestatem filios Dei fieri, » modumque adjunxisset ne carnalis intelligeretur nativitas, quod scilicet eis id præstiterit, « Qui credunt in nomine ejus, » et per gratiam renascuntur spiritalem, « Non ex sanguinibus, neque ex voluntate viri, neque ex voluntate carnis, sed ex Deo : » mox commendavit quasi hujus vicissitudinis sacramentum. Tanquam enim mirati tantum bonum non auderemus optare, statim subjunxit, « Et Verbum caro factum est, et habitavit in nobis⁴, » quod unum est ex quinque illis, quæ tibi exponi voluisti, tanquam diceret : O homines nolite desperare vos fieri posse filios Dei : quia et ipse Filius Dei, hoc est, Verbum Dei caro factum est, et ha-

¹ Galat. iv, 4. — ² Rom. v, 5. — ³ Galat. iv, 5. — ⁴ Joan. i, 12.

bitavit in nobis. Reddite vicem , efficimini spiritus , et
habitate in illo qui caro factus est , et habitavit in vobis.
Neque enim jam desperandum est , participatione Verbi
fieri posse homines filios Dei , Quando Filius Dei parti-
cipatione carnis factus est filius hominis.

XII. Nos itaque mutabiles in melius commutati , par-
ticipes efficimur Verbi : Verbum autem incommutabile
nihil in deterius commutatum , particeps carnis effec-
tum est rationali anima mediante. Neque enim homo
Christus , ut Apollinaristæ bæretici putaverunt , aut non
habuit animam , aut non habuit rationalem : sed more
suo Scriptura ut Christi humilitatem magis ostenderet ,
ne carnis nomen quasi indignum aliquid refugisse vide-
retur , carnem pro homine posuit. Neque enim quia scrip-
tum est , « Videbit omnis caro salutare Dei¹ , » animæ
ibi non sunt intelligendæ. Nihil proinde aliud dictum
est , « Verbum caro factum est² : » quam si diceretur ,
Filius Dei filius hominis factus est : « Qui cum in forma
» Dei esset , sicut dicit Apostolus , non rapinam ar-
» bitratus est esse æqualis Deo³ . » Neque enim usurpa-
tionis erat , ut rapina diceretur : sed naturæ inerat , ut
esset æqualis. « Semetipsum tamē exinanivit , » non
formam Dei amittens , sed formam servi suscipiens ; « Hu-
» miliavit semetipsum , factus obediens usque ad mortem ,
» mortem autem crucis. » Vides quemadmodum eundem
hominem quem Deum commendat , ut persona una sit ,
ne non Trinitas , sed quaternitas inducatur. Sicut enim
non augetur numerus personarum , cum accedit caro
animæ , ut sit unus homo : sic non augetur numerus
personarum , cum accedit homo Verbo , ut sit unus
Christus. Legitur itaque , « Verbum caro factum est , »

¹ Isaï. lxi, 10. — ² Joan. i, 14. — ³ Philip. ii, 6.

ut intelligamus hujus personæ singularitatem , non ut
suspicemur in carnem mutatam divinitatem.

XIII. Itaque Christus homo , ut per eum revelaretur
Novi gratia Testamenti , quæ non ad temporalem , sed ad
æternam vitam pertinet , non utique terrena felicitate
commendandus fuit. Inde subjectio , inde passio , inde
flagella , sputa , contumeliae , crux , vulnera , et tanquam
superato subjectoque mors ipsa , ut fideles ejus discerent
quale pietatis præmium ab illo , cuius filii facti essent ,
petere atque sperare deberent ; ne ad hoc pro magno
serviretur Deo , ut terrenam felicitatem adipisci quærer-
ent qui servirent ipsi , abjicientes et conculcantes fidem
suam , æstimando eam mercede vilissima : unde benefi-
centissima providentia omnipotens Deus terrenam feli-
citatem concessit et impiis , ne pro magno quæreretur a
bonis. Hinc ille Psalmus septuagesimus et secundus in-
ducit hominem poenitentem , quod aliquando corde non
recto , Deo pro hac mercede servierit , qua cum pollere
atque excellere impios videret , turbatus cœperat cogitare
quod Deus humana non curet. Et cum ab ista cogita-
tione eum sanctorum ad Deum pertinentium revocaret
auctoritas , suscepit atque intendit agnoscere tam grande
secretum , quod ei laboranti non patet factum est , donec
intraret sanctuarium Dei , et intelligeret in novissima ,
hoc est , donec accepto Spiritu sancto disceret desiderare
potiora , et prospiceret quæ poena futura sit impiis , etiam
qui foenea quadam felicitate temporaliter florissent.
Hunc Psalmum septuagesimum secundum , nocte qua
illucescebat solemnitas beatissimi Cypriani per ministe-
rium nostrum expositum , lege et diligenter adverte.

XIV. Proinde homo Christus idemque Deus Christus ,
cujus misericordissima humanitate , atque in cuius forma